



Na osnovu člana 64. stav (1) tačka b) i člana 70. Zakona o javnim nabavkama („Službeni glasnik Bosne i Hercegovine" broj 39/14) i člana 18. Poslovnika Centralne izborne komisije Bosne i Hercegovine („Službeni glasnik BiH br. 50/07, 33/09, 24/13 i 32/14), na preporuku Komisije za javne nabavke od 18.11.2015. godine, Centralna izborna komisija Bosne i Hercegovine je na 62. sjednici održanoj 03.12.2015. godine, d o n i j e l a

ODLUKU **o izboru najpovoljnijeg ponuđača**

(1) Ugovor o nabavci izvođenja radova – postavljanje računarske i elektro mreže u aneksu zgrade Centralne izborne komisije Bosne i Hercegovine **dodjeljuje se ponuđaču „ELEKTRA“ d.o.o. Sarajevo Porodice Ribar 43, 71000 Sarajevo.**

(2) Ocjenjeno je da je ponuda ponuđača iz stava 1. ove odluke u skladu sa kriterijima i specifikacijom utvrđenim u tenderskoj dokumentaciji i da ponuđena cijena **u iznosu od 58.726,30 KM bez PDV-a (u koju je uračunat iznos za nepredviđene radove u iznosu od 10 %)**, odnosno u iznosu od **68.709,78 KM sa PDV-om** je prihvatljiva.

(3) Ponuđaču iz stava 1. ove odluke, će biti dodjeljen ugovor u skladu sa elementima iz Ponude, uslovima i kriterijima utvrđenim u tenderskoj dokumentaciji.

(4) Ova odluka stupa na snagu danom donošenja.

O b r a z l o ž e n j e

Postupak javne nabavke izvođenja radova - postavljanje računarske i elektro mreže u aneksu zgrade Centralne izborne komisije Bosne i Hercegovine proveden je putem otvorenog postupka. Obavještenje o nabavci objavljeno je na portalu Javnih nabavki broj: 794-1-3-120-3-23/15 od 16.10.2015. godine. Do krajnjeg roka za prijem ponuda 09.11.2015. godine do 15:00 sati, na adresu Centralne izborne komisije Bosne i Hercegovine dostavljena je jedna (1) ponuda, ponuđača „ELEKTRA“ d.o.o. Sarajevo Porodice Ribar 43, 71000 Sarajevo.

Komisija za javne nabavke imenovana Odlukom broj: 07-2-16-3-16/15 od 07.09.2015. godine izvršila je pregled i ocjenu ponuda o čemu je sačinila Zapisnik o pregledu i ocjeni ponuda broj: 07-2-16-3-16/15 od 11.11.2015. godine, koji je u prilogu ove odluke, u kome je konstatovala i uputila preporuku Centralnoj izbornoj komisiji Bosne i Hercegovine za izbor ponude ponuđača „ELEKTRA“ d.o.o. Sarajevo Porodice Ribar 43, 71000 Sarajevo i zaključenje ugovora sa ovim ponuđačem, jer je ponuda u skladu sa kriterijima i specifikacijom utvrđenim u tenderskoj dokumentaciji i što ponuđena cijena nabavke u iznosu od **58.726,30 KM bez PDV-a (u koju je uračunat iznos za nepredviđene radove u iznosu od 10 %)**, odnosno u iznosu od **68.709,78 KM sa PDV-om** je u okviru osiguranih sredstava za predmetnu nabavku. Uzimajući u obzir navedeno, odlučeno je kao u dispozitivu ove odluke.


Pouka o pravnom lijeku

Žalba se izjavljuje Centralnoj izbornoj komisiji Bosne i Hercegovine u pisanoj formi u tri primjerka neposredno ili preporučenom poštanskom pošiljkom u roku od deset (10) dana od dana prijema ove odluke.

Broj: 07-2-16-3-16/15
Sarajevo, 03.12.2015. godine

Dostavljeno:

1. Ponuđaču
2. Odsjeku za materijalno finansijske poslove
3. Na internet stranicu CIK BiH www.izbori.ba
4. A/a



Predsjednik

Dr. Ahmet Šantić